

ազդ արարին յերուսաղէմ զմահ Փոխանորդին եւ թէոգորոս Պատրիարք որոշեաց 'ի տեղի նորա զԱդրիանուպօլսեցի զՊօղոս վարդապետ Նուիրակն Զմիւռնիոյ՝ որ և հասեալ էր 'ի Միսալիճ, և գրեաց առ նա հարկեցուցիչ բանիւ փութով հասանիլ 'ի Կոստանդինուպօլիս 'ի գլուխ պաշտօնի իւրոյ, որ և նորա թողեալ զառաջին պաշտօնն եհաս անդր: Եւ սկիզբն արար ջանասէր մտօք անդադար աշխատիլ և դեգերիլ հանապաղ 'ի դրունս մեծամեծաց, նոյնպէս և գլխաւորք ազգին առ իւրաքանչիւր ծանօթս իւրեանց, թախանձէին լրումն տալ գործոյն: Ոմանք 'ի նախարարաց կամելով հաճել զմիտս Հայոց՝ խոստացան տալ հրովարտակ ինչ և յանձն աւնել նոցա շինել զբաժին տեղիս իւրեանց, ընդ որ զուարթացեալ Հայոց՝ ըսպատէին յօրէ օր 'ի ձեռս բերել զայն: Բայց իբրեւ ծանեան առանձին զմիտս խոստացեալ հրովարտակին՝ 'ի ձեռն հաւատարիմ արանց, որ առաւել նպաստուոր էր Յունաց քան Հայոց և առիթ ապագայ փնասուց և մեծամեծ խրոնովութեանց, բազում աշխատութեամբ հազիւ ուրեմն կարացին 'ի բաց թողուլ զայն, յորմէ վշտացան մեծամեծք դրանն, և թշնամանօք վարէին ընդ Հայս՝ որք համարձակէին մերձեալ առ նոսա, որոյ վասն հարկ էր տեղի տալ ժամանակ ինչ՝ և սպասել փոխոխութեան պաշտօնէից:

Թէոգորոս Պատրիարք եւ միաբանք իւր՝ չկարացեալ հանդարտիլ 'ի խռովութենէ Յունաց՝ առաքեաց 'ի Կոստանդինուպօլիս զՊաղտասար եպիսկոպոս Փակակալ սուրբ Յակոբայ, զՄատթէոս վարդապետ հանդիսագիր լուսոյ, զԴիոնէսիոս վարդապետ՝ Քարտուղար իւր՝ այր բանիրուն և ճարտար՝ հմուտ ներքին և արտաքին գործոց Աթոռոյն, և հոգացեալ զպէտս ճանապարհի նոցին, յանձն արար ըզմայր տումարն ելից և մտից Աթոռոյն՝ սկսեալ յառուրց անտի Պետրոս Պատրիարքի՝ և զտումար եկեղեցական զարդուց, որպէս խնդրեալ էին յառաջագոյն գլխաւորք ազգին. և գրեաց առ նոսա տեսանել զհաշիւ երկուց Պատրիարքաց՝ զմթին և զտարակուսելի բանս և զայլ կարեւոր խնդիրս հարցանել 'ի վարդապետաց անտի, որք կարող էին տալ բացատրութիւն ամենայն հանգամանաց խնդրոյն՝ և փութանակի դարձուցանել յետս (Մայիս 8—18): Մեկ-